

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԱՐԵՎԵԼՅԱՆ ՄԱՔՍԱՏՈՒՆ-ՎԱՐՉՈՒԹՅՈՒՆ
(Մաքսային կանոնների խախտումը բնույթ ստորաբաժանման անվանումը)

Ո Ր Ո Շ ՈՒ Մ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«29» սեպտեմբեր 2023 թ.
(ամսաթիվը)

_____ Բ. Վանաձոր
(կազմման վայրը)

Ես՝ ՀՀ պետական եկամուտների կոմիտեի Արևելյան մաքսատուն-վարչության
ղեկավար Հայկ Միրզոյանս, քննելով «ԱՎՏՈՆՈՂԴԻՆՔ» ՍՊԸ-ի /ՀՎՀՀ՝ 06967939/
տնօրեն՝ Վիտալի Կարագոզյանի (քաղաքացիությունը՝ ՀՀ, հասցեն՝ ՀՀ Լոռի,
Վանաձոր, Նիզամու փ., տուն 473, անձն.՝ AV0439948)

(քննվող անձի անվանումը, կազմակերպարարական տեսակը, ՀՎՀՀ, պետական գրանցման/բնակության հասցեն, փաստացի
գործունեության հասցեն / քննվող անձի անունը, ազգանունը, անձը հաստատող փաստաթղթի տվյալները)

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

2023թ. սեպտեմբերի 1-ին թիվ 05100033/010923/0065836 տարանցման
հայտարարագրով ձևակերպվել է «MAZDA 6 TOURING» մակնիշի, «JM1GL1VM3J1331173»
նույնականացման համարի տրանսպորտային միջոց: Հայտարարագրում 42-րդ «Գին /
Արժույթ» դաշտը նշվել է սխալ՝ «5,350,000» ՀՀ դրամի փոխարեն նշվել է, «5,150,000»
ՀՀ դրամ:

Փաստի առթիվ 05.09.2023թ.-ին Վիտալի Կարագոզյանի նկատմամբ կազմվել է
մաքսային կանոնների խախտման վերաբերյալ արձանագրություն՝ ՀՀ մաքսային
կարգավորման մասին օրենքի 316-րդ հոդվածի հատկանիշներով:

Վարչական գործի լուծման է նշանակվել 25.09.2023 թվականին, ժամը 11:45-ին,
իսկ գործի քննություն է նշանակվել 29.09.2023 թվականին, ժամը 11:30-ին, որի
վերաբերյալ վերջինիս հասցեին ուղարկվել է ծանուցագիր, սակայն ծրարը վերադարձվել
է «Այլ» նշագրմամբ:

Վարչական վարույթն իրականացվել է «Վարչարարության հիմունքների և վարչական վարույթի մասին» ՀՀ օրենքի 29.1 հոդվածի 14-րդ և 15-րդ կետերի համաձայն:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

ԵԱՏՄ մաքսային օրենսգրքի (այսուհետ՝ Օրենսգիրք) 2-րդ հոդվածի 7-րդ կետի համաձայն՝ «Հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ, իսկ 35-րդ կետի համաձայն մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է»:

Օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ «Կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում հայտագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները, իսկ 3-րդ կետի համաձայն հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու, ինչպես նաեւ մաքսային ներկայացուցչին անվավեր, այդթվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար»:

Օրենսգրքի 104-րդ հոդվածի համաձայն՝ «Ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով»:

ԵԱՏՄ մաքսային օրենսգրքի 107-րդ հոդվածով սահմանվում են տարանջման հայտարարագրերում նշման ենթակա տեղեկությունները:

Օրենսգրքի 401-րդ հոդվածի 1-ին և 2-րդ մասերի համաձայն՝ «Մաքսային ներկայացուցիչը հայտարարատուի կամ այլ շահագրգիռ անձ անցանունից և նրանց հանձնարարությամբ իրականացնում է մաքսային գործառնություններ այն անդամ պետության տարածքում, որի մաքսային մարմնի կողմից նա ընդգրկվել է մաքսային ներկայացուցիչների ռեեստրում՝ մաքսային կարգավորման ոլորտի միջազգային պայմանագրերին և ակտերին համապատասխան, մաքսային ներկայացուցչի հարաբերությունները հայտարարատուների կամ այլ շահագրգիռ անձանց հետ ձևավորվում են պայմանագրային հիմքի վրա»:

Օրենսգրքի 405-րդ հոդվածի 1-ին մասի 6-րդ կետի համաձայն՝ «Մաքսային ներկայացուցիչը պարտավոր է կատարել սույն Օրենսգրքով սահմանված և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանվող այլ պարտականություններ»:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն»:

Օրենքի 316-րդ հոդվածի 1-ին մասի համաձայն՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը, որի հետևանքով չի առաջանում մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չհաշվարկում (պակաս հաշվարկում) կամ չվճարում (պակաս վճարում), ինչպես նաև արգելքների և սահմանափակումների, ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է նախազգուշացում»:

Նույն հոդվածի 2-րդ մասի համաձայն՝ «Սույն հոդվածի 1-ին մասով սահմանված արարքը մեկ տարվա ընթացքում կրկին կատարելը առաջացնում է տուգանք՝ տասը հազար /10000/ դրամի չափով»:

Նույն օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ: Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝ բացահայտված փաստերի /հատկանիշների/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

Ներկայացված նյութերի ուսումնասիրության արդյունքում պարզվել է, որ թիվ 05100033/290823/0065836 տարանցման հայտարարագրում 42-րդ «Գին / Արժույթ» դաշտը նշվել է սխալ՝ 5,350,000» ՀՀ դրամի փոխարեն նշվել է, «5,150,000» ՀՀ դրամ:

Թիվ 05100033/290823/0065836 տարանցման հայտարարագրում սխալ տեղեկություն նշելը չի հանգեցրել մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չհաշվարկում (պակաս հաշվարկում) կամ չվճարում (պակաս վճարում), ինչպես

նաև արգելքների և սահմանափակումների, ոչ սակագնային կարգավորման միջոցների
չկիրառում:

Այսինքն Վիտայի Կարագոզյանի արարքում առկա է «Մաքսային կարգավորման
մասին» ՀՀ օրենքի 316-րդ հոդվածի 2-րդ մասով նախատեսված իրավախախտման
հատկանիշներ:

(այն հանգամանքների շարադրումը, որոնք բացահայտվել են գործը ըննելիս)

Հիմք ընդունելով «Մաքսային կարգավորման մասին» ՀՀ օրենքի 316-րդ հոդվածի
2-րդ մասը, 322-րդ, 334-րդ հոդվածները «Վարչարարության հիմունքների և վարչական
վարույթի մասին» ՀՀ օրենքի 29.1 հոդվածի 14-րդ և 15-րդ կետերը, «Վարչական
իրավախախտումների վերաբերյալ» ՀՀ օրենսգրքի 214-րդ, 234-րդ հոդվածները՝

(իրավական ակտի անվանումը, հոդվածը)

Ո Ր Ո Շ Ե Ց Ի

1. Մաքսային կարգավորման մասին» ՀՀ օրենքի 316-րդ հոդվածի 2-րդ մասով
նախատեսված մաքսային կանոնների խախտում կատարելու համար Վիտայի
Կարագոզյանին ենթարկել վարչական պատասխանատվության՝ տուգանելով 10.000 ՀՀ
դրամի չափով:

(նշվում է վարչական տույժ նշանակելու մասին կայացված որոշումը)

2. Պարզաբանել, որ ՀՀ մաքսային կարգավորման մասին օրենքի 334-րդ հոդվածի 2-րդ
մասի համաձայն որոշումն ուժի մեջ է մտնում այն կայացնելու պահից և օրենքի 4-րդ
մասի համաձայն որոշումը կարող է բողոքարկվել «Մաքսային ծառայության մասին»
օրենքի 37-րդ հոդվածով սահմանված կարգով կամ դատական կարգով:


(նշվում է որոշումն ուժի մեջ մտնելու պահը, բողոքարկման ժամկետը և կարգը)

ՀՀ պետական եկամուտների կոմիտեի Արևելյան մաքսատուն-վարչության

(ստորաբաժանման անվանումը)

ղեկավար՝ ՀԱՅԿ ՄԻՐԶՈՅԱՆ

(անուն, ազգանուն)


(ստորագրություն)

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

« _____ » 20__ թ.
(որոշման օրինակի ստացման ամսաթիվը)

Ծանոթություն. Սույն որոշմամբ նշանակված փուլի գումարը ենթակա է վճարման Կենտրոնական
գանձապետարանի №900005024055 հաշվեհամարին 29 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին»
օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության
հարկադիր կատարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-
րդ հոդվածով սահմանված կարգով և ժամկետներում: